



## EPELeKO BINAKAKO TXAPELKETAREN ARAUDIA 2007

### ❖ TXAPELKETA SISTEMA

Txapelketak ondorengo faseak izango ditu:

- Final-zortzirenetako ligaxka.
- Final-laurdenak.
- Finalerdietako ligaxka.
- Finala.

#### ➤ FINAL-ZORTZIRENETAKO LIGAXKA

##### □ JARDUNALDIAK:

Ligaxkak lau jardunaldi izango ditu talde bakoitzeko (A eta B). Jardunaldi hoietan bikote bakoitzak beste taldea osotzen duten bikote guztien aurka jokatu beharko du.

Jardunaldiak 2007ko urtarrilaren 7ko, 14eko, 21ko eta 28ko asteetan ospatuko dira.

##### □ SAILKAPENA:

Ligaxkaren sailkapena egiteko, bikote bakoitzak puntu bat lortuko du irabazitako partida bakoitzeko.

Lau partiden ondoren bikote bakoitzak lortutako puntuak ikusiko da, eta ondoren ligaxkako sailkapena burutuko da talde bakoitzeko (A eta B).

Puntuak batuta berdinketa suertatuko balitz, ondorengo kriterioak kontuan hartuko dira koerlatiboki:

- Lehen kriterioa:

Final-zortzirenetako ligaxkan jokatutako partida guztietan lortutako tantuen koefizientea (koefizientea = aldekoak – kontrakoak).

- Bigarren kriterioa:

Berdinketa oraindik suertatuko balitz, final-zortzirenetako ligaxkan galdutako partida guztien artean izandako tanteadorerik baxuena kontuan hartuko da, eta gutxieneko tanteo hori altuen daukan bikotea sailkatuko da hurrengo faserako. Hala ere, oraindik berdinketa suertatuko balitz galdutako partida guztien artean bigarren tanteadorerik baxuena kontuan hartuko da; horrela jarraituz berdinketa bukatu arte.



Hala ere, berdinketa hori partida bat ere galdu ez duten bikoteen artean suertatuko balitz, irabazitako partida guzti hoietan diferentziarik handiena lortu duen bikotea sailkatuko da. Berdinketa mantendu ezker, bigarrenko diferentziarik handiena lortu duen bikotea sailkatuko da, horrela jarraituz berdinketa ezabatu arte.

- Hirugarren kriterioa:

Aurreko kriterioak aplikatuta berdinketa mantenduko balitz zozketaz erabakiko da.

□ ORDEZKAPENAK:

Pilotari batek ezin badu partida bat jokatu, bere lekua pilotari horren enpresak izendatzen duen beste pilotari batek okupatuko du; kontuan izanda, hala ere, bikote batekin ordezeko moduan jokatu duen pilotari batek ezin izango duela berriro ere ordezeko moduan jokatu beste bikote ezberdin batekin fase honetan zehar.

Ligaxka honetan zehar bikote berarekin ordezeko moduan hiru edo lau partida jokatzen dituen pilotariak, eta hoietatik gutxienez hiru partida irabazten baditu ondorengo faseerako sailkatuz, bikote horretako pilotari titularra bihurtuko da; nahiz eta hasieratik titular gisa izendatuta zegoen pilotaria hurrengo fasean parte hartzeko prest egon.

➤ FINAL-LAURDENAK

□ JARDUNALDIAK:

Ondorengo lau partidetak bi jardunaldi.

- A taldeko lehena – B taldeko laugarrena = 1. kanporaketa
- A taldeko bigarrena – B taldeko hirugarrena = 2. kanporaketa
- B taldeko bigarrena – A taldeko hirugarrena = 3. kanporaketa
- B taldeko lehena – A taldeko laugarrena = 4. kanporaketa

Jardunaldiak 2007ko otsailaren 4eko eta 11ko asteetan ospatuko dira. Berdinketa suertatuko balitz –hau da, bikote bakoitzak partida bat irabaziko balu- beste partida berri bat jokatuko da 2007ko otsailaren 18ko astean.

□ SAILKAPEN SISTEMA:

Hiru partidetara eliminatoria. Bikote berak irabaziko balu lehen eta bigarren partida ez litzateke hirugarren partida ospatu beharko.

□ ORDEZKAPENAK:



Pilotari batek ezin badu partida bat jokatu, bere lekua pilotari horren enpresak izendatzen duen beste pilotari batek okupatuko du, baina beti ere ondorengo kontuan izanda:

- Beste faseetan zehar (final-zortzirenetako ligaxka eta final-laurdenak), titular izaera lortu duten pilotariak ezingo dute orain berriro ere ordezeko moduan jokatu.
- Final-laurdenetan beste bikote batekin ordezeko moduan jokatu duen pilotariak ezin izango du berriro ere ordezeko moduan jokatu.

Ordezko moduan bikote berarekin final-laurdenetako fase honetan zehar bi edo hiru partida jokatzen duen pilotariak bi partida hoiek irabazten baditu, ondorengo faserako sailkatuz, bikote horretako pilotari titularra bihurtuko da; nahiz eta hasieratik titular gisa izendatua zegoen pilotaria hurrengo fasean parte hartzeko prest egon.

#### ➤ FINALERDIETAKO LIGAXKA

##### □ JARDUNALDIAK:

Finalerdietako ligaxka 2007ko otsailaren 18 eta 25ari eta martxoaren 4ari dagokien asteetan jokatuko da, egun bakoitzean bi partidua jokatuko direlarik. Final-laurdenetan desenpateko partidua beharrezkoa balitz, finalerdietako ligaxka 2007ko otsailaren 25ari eta martxoaren 4 eta 11ri dagokien asteetan jokatuko da.

##### □ SAILKAPEN SISTEMA:

Finalerdietako ligaxkaren sailkapena osatzeko, bikote bakoitzari puntu 1 (bat) emango zaio irabazitako partidua bakoitzagatik. 3. jardunaldiaren ondoren, eta lortutako puntuak ikusita, behinbetiko sailkapena ezarriko da, irabazlea puntu gehien dituen bikotea izanik.

Berdinketa egonez gero erreferentziatzat hartuko da:

1go- Berdinketa bikote biren artean badago, hauen artea finalerdietako ligaxkan jokaturiko partidua kontuan hartuko da.

2.-Berdinketa bi bikote baino gehiagoren artean badago, hauen artean jokatutako partiduetan bikote bakoitzaren tanto koefizientea (aldeko tantoak ken kontrako tantoak) hartuko da kontuan. Berdinketa mantentzen bada, finalerdietako ligaxkako partidua guztietako tanto koefizientea hartuko da kontuan. Aurreko erizpideak ezarri ondoren berdinketarik badago, bi bikoteren artean bada desenpateko partidua bat jokatuko da, bi bikote baino gehiagoren artean badago zozketaz erabakiko da.

##### □ ORDEZKAPENAK:



Pilotari batek ezin badu partida bat jokatu, bere lekua pilotari horren enpresak izendatzen duen beste pilotari batek okupatuko du, baina beti ere ondorengo kontuan izanda:

- Beste faseetan zehar (final-zortzietako ligaxka, final-laurdenak eta finalerdietako ligaxka) titular izaera lortu duten pilotariek ezingo dute orain berriro ere ordezeko moduan jokatu.
- Finalerdietan beste bikote batekin ordezeko moduan jokatu duen pilotariak ezin izango du berriro ere ordezeko moduan jokatu.

Ordezko moduan bikote berarekin finalerdietako ligaxka honetan zehar bi edo hiru partida jokatzen dituen pilotariak, eta bi partida horiek irabazten baditu ondorengo faserako sailkatuz, bikote horretako pilotari titularra bihurtuko da; nahiz eta hasieran titular gisa izendatua zegoen pilotaria hurrengo fasean parte hartzeko prest egon.

#### ➤ FINALA

Finala partida bakarrera jokatuko da 2007ko martxoaren 18an, edo final-laurdenetan desenpateko partidua beharrezkoa balitz, 2007ko martxoaren 25ean.

Finalerdietako ligaxkan lehenengo eta bigarren postuetan sailkatuak jokatuko dute finala.

Ordezkapenei dagokienez finalerdietarako azaldutakoa kontuan izango da.

#### ❖ TXAPELKETAREN ARAUAK

##### □ ORDEZKAPENAK ETA PILOTARIEN BERRAGERPENAK:

Bai ordezkoen kasuan, edo baja hartuta egon eta gero hasieratik dagokion bikotearekin berragertu nahi duten pilotarien inkorporazioak EPELeko Epaille Bakarrak horrela erabakitzen duen unetik baino ez dute efekturik izango; edozein enpresak txapelketan parte hartzeko egindako proposamenak berez inolako baliorik izan gabe.

##### **a) Ordezkapenak:**

Pilotari batek, bikote baten ordezeko edo titularra, txapelketa utzi behar badu, EPELeko Epaille Bakarrari abisatu beharko zaio uzte hori bultzatzen duten arazoak jakiten diren momentuan bertan.

Horretarako, pilotari horretako enpresak Epaille Bakarrari bidali beharko dio "ordezkapenetarako formularioa". Eskaera hori bere osasunarekin eralazionatzen diren kontuekin lotzen bada, enpresako medikuak egindako txosten medikua aurkeztu beharko da gainera.

EPELera bidalitako "ordezkapenetarako formulario" horretan agertu behar da ere, ordezkapenetarako arautegia zainduz, baja hori betetzeko enpresak izendatzen duen pilotariaren izena. Ondoren, EPELeko Epaille Bakarrak arautegian azaldutakoaren arabera ordezkapen hori balioztatuko du, arautegiarekin bat etorri ezkeru.



**b) Berragerpenak:**

Baja hartu duen pilotari baten enpresak pilotari hau berriro ere jokura batzeko egoeran dagoela ulertzen duenean, EPELekeo Epaille Bakarrari bidali beharko dio dagokion "berragerpen formularioa". Ondoren, EPELekeo Epaille Bakarrak arautegian azaldutakoaren arabera, berragerpen eskaera hori balioztatuko du, arautegiarekin bat etorri ezker.

**c) Ordezko pilotarien iraupena bikote baten:**

Ordezko izan den pilotaria bikote baten arituko da ondorengo egoeretatik baten bat eman arte:

- Pilotari horrek txapelketa utzi behar izatea, eta kasu horretan ordezkapenatarako azaldutako arautegiarekin bat jokatu beharko da.
- Epaille Bakarrak hasierako pilotari titularren berragerpena balioztatzea pilotari bien enpresak egindako eskaeraren ondoren (ordezkoa eta titularra).

□ ATSEDENALDIAK:

**a) Epaille kontrolatzailea:**

Kontrola, pilotari, epaille eta ikusleekin komunikatze lana, eta partidetan zehar ematen diren atsedenaldiekin lotuta dagoen zigortze gaitasuna baita, epaille kontrolatzaileak beteko du.

**b) Atsedenaldien eskaera:**

Atsedenaldia bikote edo teknikariek/botileroak eskatu beharko dute, eta epaileari argi adierazi beharko diote.

Bikote edo teknikari/botilero biek atsedenaldia batera eskatu ezker, atsedenaldi hau azken tantua galdu duen bikoteari zenbatuko zaio.

Ezin izango da atsedenaldia eskatu azken tantua zuzenean sakez lortu izan denean.

**c) Atsedenaldien denbora eta kopurua:**

Bikote bakoitzak gehienez 2 minututako 4 atsedenaldi eskatu ahal izango ditu partidaren zehar.

Partida 21 tantutara berdindurik egon ezker, eta bikote biek beraien atsedenaldi guztiak agortu izan badituzte, epaille nagusiak neurri bereko atsedenaldi berri bat eman dezake.



Atsedenaldiaren denbora tantua bukatzen den unetik zenbatzen hasiko da, bikoteak zein momentuan eskatzen duen kontuan izan gabe.

Atsedenaldiaren bitartean pilotariak eta teknikariak/botileroak atsedenaldietarako prestatutako setan egon beharko dira.

**d) Atsedenaldien seinalizazioa:**

Epaille kontrolatzaileak pilotari eta ikuslei atsedenaldiak adieraziko dizkie ondorengo arauei jarraituz:

1. Atsedenaldiaren zenbakia eta eskatzen duen bikotea:

Atsedenaldia eskatu duen pilotariari dagokion kartoi-mehe gorri edo urdina erakutsiko du.

Kartoi-mehe honek, gorria edo urdina, zenbaki bat eramango du idatzita; zenbaki honek atsedenaldia zein den adieraziko du.

2. Atsedenaldiaren amaiera:

Atsedenaldia bukatzeko 20 segundu faltatzen direnean, kolore orlegiko kartoi-mehea erakutsiko du, eta pilotariak kantzara abiatu beharko dira momentu horretan bertan.

**e) Kantxa uztea:**

Pilotari batek ezin du kantxa utzi epaille kontrolatzailearen baimena izan gabe. Honek baimena ematen badio kantxatik kanpo lagunduko dio.

Pilotariak aldageletara joan ahal izateko baldintzak ondokoak dira:

- Laguntza medikuaren beharra.
- Komunera joateko premiazko beharra izatea.
- Kirol janzkeraren aldaketaren beharra, eskuen babesaren beharra honen baitan ez dela kontsideratzen.

Aldageletara sartzea, arrazoia edozein izanda ere, atsedenaldi moduan kontuan hartuko da, eta benetan premiazkoa den uneraino luzatuko da bakarrik.

**f) Atsedenaldien ez betetzea:**

Pilotari batek, kartoi-mehe orlegia altxatua izan eta gero, kantzara habiatzen ez bada, kartoi-mehe zuria erakutsiko zaio; eta hau ohar moduan kontsideratuko da.

Epaille kontrolatzaileak kartoi-mehe beltza erakutsiko dio pilotari bati ondorengo kasuetan:

- Kartoi-mehe zuria erakutsi ondoren jaramonik egiten ez badu.
- Aldageletan izandako sartze horrek justifikaziorik ez daukanean.



- Atsedenaldirik eskatu gabe, epaile kontrolatzaileak pilotari batek jokua etentzeko jarrera agertzen duela ulertzen duenean.

Kartoi-mehe beltzen ezarketa partidaren aktan adieraziko da.

□ KONTROL ANTIDOPINAK:

Txapelketan zehar kontrol antidopinak ezarri ahal izango dira. Kontrol hauek EPELeke Antidoping Arautegiaren arabera ezarriko dira.

□ TXAPELKETATIK BAZTERTZEA:

EPELeke uste izango balu pilotari batek txapelketan parte hartzen jarraitzeko baldintza fisiko egokietan ez dagoela, Kirol Batzordeari eta pilotariari berari entzun eta gero, EPELeke Epaile Bakarrak pilotari hori txapelketatik kendu ahal izango du arrazoibidez.

□ ISTILUEN EBAZPENA ETA ARAUDIAREN INTERPRETAZIOA:

Araudi honen inguruan, edo araudiak aurreikusten ez duen edozein kasuen inguruan, sor daitezkeen eztabaidak konpontzea EPELeke Txapelketako Epaile bakarrari dagokio, eta bere iritzia apelaezina izango da.